

**ЎЗБЕКИСТОН РЕСПУБЛИКАСИ
АДЛИЯ ВАЗИРЛИГИДА
ДАВЛАТ РЎЙХАТИДАН ЎТКАЗИЛДИ**

2017 йил 17 февраль

2858-сон

**Ўзбекистон Республикаси Давлат статистика қўмитаси,
Мехнат вазирлигининг**

**«Тадбиркорлик субъектлари ходимларининг ўртacha йиллик сонини
аниқлаш тартиби тўғрисидаги низомни тасдиқлаш ҳакида»ги**

ҚАРОРИ



ЎЗБЕКИСТОН РЕСПУБЛИКАСИ ДАВЛАТ СТАТИСТИКА ҚЎМИТАСИ
ЎЗБЕКИСТОН РЕСПУБЛИКАСИ МЕХНАТ ВАЗИРЛИГИНИНГ
ҚАРОРИ

Тадбиркорлик субъектлари ходимларининг
ўртacha йиллик сонини аниқлаш тартиби тўғрисидаги низомни
таасиқлаш хақида

Ўзбекистон Республикаси Вазирлар Махкамасининг 2016 йил 24 августдаги 275-сон “Иктисодий фаолият турларини таснифлашнинг халқаро тизимига ўтиш чора-тадбирлари тўғрисида”ги карорига мувофиқ Ўзбекистон Республикаси Давлат статистика қўмитаси ва Мехнат вазирлиги **карор килади**:

1. Тадбиркорлик субъектлари ходимларининг ўртacha йиллик сонини аниқлаш тартиби тўғрисидаги низом иловага мувофиқ тасдиқлансан.
2. Мазкур карор расмий эълон қилинган кундан эътиборан уч ой ўтгач кучга киради.

Давлат статистика қўмитаси
раисининг биринчи ўринbosари

Б. Мирусманов

Тошкент ш.,
2017 йил “17” январь
1-мб-сон

Мехнат вазири

А. Абдухакимов

Тошкент ш.,
2017 йил “17” январь
3-к/к-сон

Ўзбекистон Республикаси
Давлат статистика кўмитаси
ва Мехнат вазирлигининг
2017 йил 17 январдаги
1-мб, З-к/к-сон қарорига
ИЛОВА

**Тадбиркорлик субъектлари ходимларининг
ўртacha йиллик сонини аниқлаш тартиби тўғрисидаги
НИЗОМ**

Мазкур Низом Ўзбекистон Республикасининг "Тадбиркорлик фаолияти эркинлигининг кафолатлари тўғрисида"ги Конуни ва Вазирлар Маҳкамасининг 2016 йил 24 августдаги 275-сон "Иктисолий фаолият турларини таснифлашнинг халқаро тизимига ўтиш чора-тадбирлари тўғрисида"ги қарорига мувофик тадбиркорлик субъектлари ходимларининг ўртacha йиллик сонини аниқлаш тартибини белгилайди.

1-боб. Умумий қондалар

1. Тадбиркорлик субъектларининг тоифаси уларнинг асосий фаолият турини (йиллик айланма ҳажмида улуши энг кўп бўлган фаолият тури) ва ходимларининг ўртacha йиллик сонини, Вазирлар Маҳкамасининг 2016 йил 24 августдаги 275-сон қарори билан тасдиқланган Кичик тадбиркорлик субъектларига тегишли бўлган ташкилотлар таснифлагичида белгиланган мезонларга солиштириш йўли билан аниқланади.

2. Тадбиркорлик субъектлари ходимларининг ўртacha йиллик сони тадбиркорлик субъекти билан меҳнат шартномаси (контракти) тузилган барча ходимларни, шунингдек фуқаролик-хукукий тусда тузилган шартномалар асосида ишлаётган ходимларни (бундан фуқаролик-хукукий тусда тузилган шартномалар асосида ишлар бажараёттан, хизматлар кўрсатётган якка тартибдаги тадбиркорлар мустасно) ўз ичига олади.

3. Тадбиркорлик субъектлари ходимларининг ўртacha йиллик сонини аниқлашда, унитар корхоналар, ваколатхоналар ва филиалларда (агар мавжуд бўлса) ишлаётган ходимларининг сони ҳам ҳисобга олинади.

4. Тадбиркорлик субъектлари ходимларининг ўртacha йиллик сони куйидагиларни алоҳида тартибда ҳисоблаш ҳамда уларни кўшиш йўли билан аниқланади:

- а) меҳнат дафтарчалари мавжуд бўлган ходимларининг ўртacha йиллик сони;
- б) ташки ўриндошларнинг ўртacha йиллик сони;
- в) фуқаролик-хукукий тусда тузилган шартномалар асосида ишлаётган ходимларнинг ўртacha йиллик сони.

5. Дам олиш ёки байрам (ишланмайдиган) кунларидағи ходимларнинг сони ушбу кунлардан олдинги иш кунидаги ходимларнинг сонига тенг деб ҳисобланади.

6. Тадбиркорлик субъектлари ходимларининг ўртacha йиллик сонини аниқлашда ҳосил бўлган ўртacha йиллик сони кўп қийматта қараб бутун сонгача яхлитланади.

**2-боб. Тадбиркорлик субъектида меҳнат дафтарчалари
мавжуд бўлган ходимларнинг ўртacha йиллик сонини аниқлаш**

7. Тадбиркорлик субъектида меҳнат дафтарчалари мавжуд бўлган ходимларнинг ўртacha йиллик сони мазкур ходимларнинг ўртacha ойлик сонини ҳисобот йилининг барча ойлари бўйича кўшиш ва ҳосил бўлган йигиндини 12 га бўлиш йўли билан куйидаги формула ёрдамида аниқланади:

$$W = (W_{m1} + W_{m2} + \dots + W_{m12}) / 12, \text{ бунда:}$$

W – меҳнат дафтарчалари мавжуд бўлган ходимларнинг ўртача йиллик сони;

W_{m1}, W_{m2}, \dots – январь, февраль ва мос равища йилнинг кейинги ойларидаги меҳнат дафтарчалари мавжуд бўлган ходимларнинг ўртача ойлик сони.

8. Тўлиқ бир йил давомида фаолият юритмаган тадбиркорлик субъектлари учун (масалан, йил давомида ташкил этилган, мавсумий ишлаш хусусиятига эга бўлган ва ҳоказо) меҳнат дафтарчалари мавжуд бўлган ходимларнинг ўртача йиллик сони тадбиркорлик субъектининг барча фаолият юритган ойлари учун мазкур ходимларнинг ўртача ойлик сонини қўшиш ва ҳосил бўлган йигиндини 12 га бўлиш орқали аниқланади.

9. Меҳнат дафтарчалари мавжуд бўлган ходимларнинг ўртача ойлик сони дам олиш ва байрам (ишланмайдиган) кунларни қўшган ҳолда ойнинг биринчи санасидан ўтгизинчи ёки ўтгиз биринчи санаагача (февраль ойи учун йигирма саккизинчи ёки йигирма тўккизинчи санаагача) хисобот ойнинг хар бир календарь кунидаги меҳнат дафтарчалари мавжуд бўлган ходимлар сонини қўшиш ва ҳосил бўлган йигиндини хисобот ойнинг календарь кунлари сонига бўлиш орқали куйидаги формула ёрдамида аниқланади:

$$W_m = (W_{d1} + W_{d2} + \dots + W_{dn}) / n, \text{ бунда:}$$

W_m – меҳнат дафтарчалари мавжуд бўлган ходимларнинг ўртача ойлик сони;

W_{d1}, W_{d2}, \dots – биринчи, иккинчи ва мос равища ойнинг кейинги саналаридаги меҳнат дафтарчалари мавжуд бўлган ходимлар сони;

n – хисобот оидаги жами календарь кунлари сони.

10. Бир ойдан кам вакт фаолият кўрсатган тадбиркорлик субъектида (масалан, янги ишга туширилган, мавсумий ишлаш хусусиятига эга бўлган ва ҳоказо) меҳнат дафтарчалари мавжуд бўлган ходимларнинг ўртача ойлик сони тадбиркорлик субъектининг хисобот ойида барча ишланган кунлари учун (бунга унинг ишлаш давридаги дам олиш ёки байрам (ишланмайдиган) кунлари ҳам киради) мазкур ходимларнинг сонини қўшиш ва ҳосил бўлган йигиндини хисобот оидаги жами календарь кунлари сонига бўлиш орқали аниқланади.

3-боб. Ташки ўриндошлар ва фуқаролик-хукукий тусда тузилган шартномалар асосида ишлаётган ходимларнинг ўртача йиллик сонини аниқлаш

11. Ташки ўриндошларнинг ўртача йиллик сони мазкур ходимларнинг ўртача ойлик сонини хисобот йилининг барча ойлари бўйича қўшиш ва ҳосил бўлган йигиндини 12 га бўлиш йўли билан куйидаги формула ёрдамида аниқланади:

$$EW = (EW_{m1} + EW_{m2} + \dots + EW_{m12}) / 12, \text{ бунда:}$$

EW – ташки ўриндошларнинг ўртача йиллик сони;

EW_{m1}, EW_{m2}, \dots – январь, февраль ва мос равища йилнинг кейинги ойларидаги ташки ўриндошларнинг ўртача ойлик сони.

12. Ташки ўриндошларнинг ўртача ойлик сони меҳнат шартномасида кўзда тутилган иш вакти муддатига мутаносиб равища куйидаги формула ёрдамида аниқланади:

$$EW_m = (EW_{t_1} + EW_{t_2} + \dots + EW_{t_n}) / t_n, \text{ бунда:}$$

EW_m – ташки ўриндошларнинг ўртача ойлик сони;

$EW_{t_1}, EW_{t_2}, \dots$ – биринчи, иккинчи ва кейинги ташки ўриндошларнинг жорий ойда ишлаган иш вақти муддати;

t_n – ойлик иш вақтининг нормал муддати.

Иш вақтининг нормал муддати Ўзбекистон Республикаси Мехнат кодексининг 115-моддасига мувофиқ белгиланади.

Агар тадбиркорлик субъектининг ҳам беш кунлик ҳам олти кунлик иш хафтасида ишлайдиган ходимлари мавжуд бўлса ушбу тадбиркорлик субъектлари учун олти кунлик иш хафтасидаги нормал иш вақти олинади.

13. Фуқаролик-хукукий тусда тузилган шартномалар асосида ишлаётган ходимларнинг ўртача йиллик сони мазкур ходимларнинг ўртача ойлик сонини хисобот йилнинг барча ишланган ойлари бўйича кўшиш ва хосил бўлган йигиндини 12 га бўлиш йўли билан қўйидаги формула ёрдамида аниқланади:

$$CW = (CW_{m1} + CW_{m2} + \dots + CW_{m12}) / 12, \text{ бунда:}$$

CW – фуқаролик-хукукий тусда тузилган шартномалар асосида ишлаётган ходимларнинг ўртача йиллик сони;

CW_{m1}, CW_{m2}, \dots – январь, февраль ва мос равишда йилнинг кейинги ойларидаги фуқаролик-хукукий тусда тузилган шартномалар асосида ишлаётган ходимларнинг ўртача ойлик сони.

14. Фуқаролик-хукукий тусда тузилган шартномалар асосида ишлаётган ходимларнинг ўртача ойлик сони дам олиш ва байрам (ишланмайдиган) кунларни кўшган ҳолда ойнинг биринчи санасидан ўттизинчи ёки ўттиз биришчи санасигача (февраль ойи учун йигирма саккизинчи ёки йигирма тўққизинчи санагача) хисобот ойнинг ҳар бир календарь кунидаги (шартноманинг амал қилиш муддатида) ходимлар сонини кўшиш ва хосил бўлган йигиндини хисобот ойнинг календарь кунлари сонига бўлиш оркали қўйидаги формула ёрдамида аниқланади:

$$CW_m = (CW_{d1} + CW_{d2} + \dots + CW_{dn}) / n, \text{ бунда:}$$

CW_m – фуқаролик-хукукий тусда тузилган шартномалар асосида ишлаётган ходимларнинг ўртача ойлик сони;

CW_{d1}, CW_{d2}, \dots – биринчи, иккинчи ва мос равишда ойнинг кейинги саналаридаги фуқаролик-хукукий тусда тузилган шартномалар асосида ишлаётган ходимлар сони;

n - хисобот ойидаги жами календарь кунлари сони.

15. Агар ходим тадбиркорлик субъекти билан меҳнат шартномаси асосида ишлаш билан бир вақтнинг ўзида мазкур тадбиркорлик субъекти билан фуқаролик-хукукий тусда тузилган шартнома асосида ишлаётган бўлса, фақат асосий лавозими бўйича меҳнат шартномаси асосида ишлаётган ходимлар сонида хисобга олинади.

16. Тадбиркорлик субъекти ходимларнинг ўртача йиллик сонини хисоблаш бўйича шартли мисол мазкур Низомнинг иловасида келтирилган.

4-боб. Якуний коидалар

17. Мазкур Низом талабларининг бузилишида айбор бўлган шахслар қонун хужжатларига мувофиқ жавобгар бўладилар.

18. Мазкур Низом Ўзбекистон Республикаси Иктисодиёт вазирлиги, Молия вазирлиги, Давлат солик кўмитаси, Ўзбекистон Касаба уюшмалари Федерацияси Кенгаши ҳамда Ўзбекистон Республикаси Савдо-саноат палатаси билан келишилган.

Иктисодиёт вазири

Г. Сандова

201 7 йил “ 9 ” январь

Молия вазири

Б. ходжаев

201 7 йил “ 9 ” январь

Давлат солик кўмитаси раиси

Парниев

201 7 йил “ 9 ” январь

Ўзбекистон Касаба уюшмалари
Федерацияси Кенгаши раиси

К. Рафиков

201 7 йил “ 9 ” январь

Савдо-саноат палатаси раиси

А. Шайхов

201 7 йил “ 9 ” январь

Тадбиркорлик субъектлари
ходимларининг ўртача йиллик сонини
аниқлаш тартиби тўғрисидаги низомга
ИЛОВА

**Тадбиркорлик субъектлари ходимларининг
ўртача йиллик сонини ҳисоблаш бўйича
ШАРТЛИ МИСОЛ**

Тадбиркорлик субъекти ўз фаолиятини 24 май санасида бошлади. Мазкур тадбиркорлик субъекти билан 24 майда меҳнат шартномаси тузган ва меҳнат дафтарчалари расмийлаштирилган ходимлар сони 70 кишини ташкил қилди. 27 майда 6 киши ишга қабул қилинди, 28 майда 1 киши билан меҳнат шартномаси бекор қилинди, 29 майда 5 киши ва 31 майда яна 4 киши ишга қабул қилинди.

Тадбиркорлик субъектлари ходимларининг ўртача йиллик сонини аниқлаш тартиби тўғрисидаги низомнинг 10-бандига мувофиқ тадбиркорлик субъектида меҳнат дафтарчалари мавжуд бўлган ходимларининг ўртача ойлик сони ҳисобот ойининг ҳар бир календарь куни учун ходимлар сонини кўшиш ва ҳосил бўлган йигиндини ҳисобот ойининг календарь кунлари сонига бўлиш орқали аниқланади (1-жадвал).

1-жадвал

**Тўлиқ бир ой фаолият юритмаган тадбиркорлик субъектида
меҳнат дафтарчалари мавжуд бўлган ходимларининг
ўртача ойлик сонини аниқлаш**

Ой санаси	Ходимлар сони, киши
24	70
25 (дам олиш куни)	70
26 (дам олиш куни)	70
27	76
28	75
29	80
30	80
31	84
Ходимларининг ўртача ойлик сони	(70+70+70+76+75+80+80+84):31=19,5

Йилнинг кейинги ойлари учун меҳнат дафтарчалари мавжуд бўлган ходимларининг ўртача ойлик сони худди шу тарзда аниқланади.

Тадбиркорлик субъектлари ходимларининг ўртача йиллик сонини аниқлаш тартиби тўғрисидаги низомнинг 8-бандига мувофиқ меҳнат дафтарчалари мавжуд бўлган ходимларининг ўртача йиллик сони мазкур ходимларининг ўртача ойлик сонини кўшиш ва ҳосил бўлган йигиндини 12 га бўлиш йўли билан аниқланади (2-жадвал).

**Тўлиқ бир йил фаолият юритмаган тадбиркорлик субъектида
мехнат дафтарчалари мавжуд бўлган ходимларининг
ўртача йиллик сонини аниқлаш**

Ойлар	Мехнат дафтарчалари мавжуд бўлган ходимларининг ўртача ойлик сони, киши
Май	19,5
Июнь	85
Июль	90
Август	90
Сентябрь	92
Октябрь	93
Ноябрь	89
Декабрь	87
Ходимларининг ўртача йиллик сони	(19,5+85+90+90+92+93+89+87):12=53,8

Тадбиркорлик субъекти томонидан ноябрь ойида 3 нафар ташки ўриндошлар билан
мехнат шартномалари тузилиб, яъни, 1-ташки ўриндош билан меҳнат шартномасида иш
вақтининг муддати кунига 3 соатдан 26 кун, 2-ташки ўриндош билан кунига 2 соатдан
20 кун ва 3-ташки ўриндош билан эса кунига 1 соатдан 15 кун этиб белгиланган
(3-жадвал).

Ташки ўриндошларни ҳисобга олиш жадвали

Ташки ўриндошлар	Ташки ўриндошларнинг жорий ойда ишлаган иш вақти, соат
1-ташки ўриндош	78 (26 кун x 3 соат)
2-ташки ўриндош	40 (20 кун x 2 соат)
3-ташки ўриндош	15 (15 кун x 1 соат)
Ташки ўриндошларнинг жами ишлаган иш вақти	78 + 40 + 15 = 133

Ўзбекистон Республикаси Мехнат Кодексининг 115-моддасига мувофиқ олти
кунлик (40 соатли) иш ҳафтаси учун октябрь ойида иш вақтининг нормал муддати
174 соатни ташкил этади. Тадбиркорлик субъектлари ходимларининг ўртача йиллик
сонини аниқлаш тартиби тўғрисидаги низомнинг 12-бандида келтирилган формулага
асосан, ташки ўриндошларнинг ўргача ойлик сони қўйидагига teng бўлади:

$$\frac{133 \text{ киши} \cdot \text{соат}}{174 \text{ соат}} = 0,8 \text{ киши}$$

Йилнинг кейинги ойлари учун ташки ўриндошларнинг ўртача ойлик сони худди шу
тарзда аниқланади.

Тадбиркорлик субъектлари ходимларининг ўртача йиллик сонини аниқлаш тартиби тўғрисидаги низомнинг 11-бандига мувофиқ ташки ўриндошларнинг ўртача йиллик сони кўйидагича аниқланади (4-жадвал).

4-жадвал

Ташки ўриндошларнинг ўртача йиллик сонини аниқлаш

Ойлар	Ташки ўриндошларнинг ўртача ойлик сони, киши
Октябрь	0,8
Ноябрь	1,2
Декабрь	1,8
Ташки ўриндошларнинг ўртача йиллик сони	(0,8+1,2+1,8):12=0,3

Декабрь ойида тадбиркорлик субъекти томонидан 5 нафар жисмоний шахс билан хизмат кўрсатиш бўйича хисобот йилининг 13 декабридан 23 декабригача бўлган муддатга фукаролик-хукукий тусдаги шартномалар тузилди. Мазкур холатда, фукаролик-хукукий тусда тузилган шартномалар асосида ишлаган ходимларнинг ўртача ойлик сони Тадбиркорлик субъектлари ходимларининг ўртача йиллик сонини аниқлаш тартиби тўғрисидаги низомнинг 14-бандига мувофиқ кўйидагича аниқланади (5-жадвал).

5-жадвал

Фукаролик-хукукий тусда тузилган шартномалар асосида ишлаган ходимларнинг ўртача ойлик сонини аниқлаш

Декабр ойи санаси	Ходимлар сони, киши
13	5
14	5
15	5
16	5
17 (дам олиш куни)	5
18 (дам олиш куни)	5
19	5
20	5
21	5
22	5
23	5
Жами, ўртача ойда	(5+5+5+5+5+5+5+5+5+5+5+5):31=1,8

Тадбиркорлик субъектлари ходимларининг ўртача йиллик сонини аниқлаш тартиби тўғрисидаги низомнинг 13-бандига мувофиқ фукаролик-хукукий тусда тузилган шартномалар асосида ишлаган ходимларнинг ўртача йиллик сони кўйидагича аниқланади:

$$\frac{1,8 \text{ киши}}{12} = 0,2 \text{ киши}$$

Тадбиркорлик субъектида хисоб-китоблар натижасида меҳнат дафтарчалари мавжуд бўлган ходимларнинг хисобот йили учун ўртacha йиллик сони 53,8 ни ташкил қилди.

Хисобот йили давомида ташки ўриндошлар билан меҳнат шартномаси тузилиб, мазкур ходимларнинг ўртacha йиллик сони 0,3 ни ташкил қилди.

Шунингдек, жисмоний шахслар билан фукаролик-хукукий тусда шартномалар тузилиб, мазкур ходимларнинг ўртacha йиллик сони 0,2 ни ташкил қилди.

Тадбиркорлик субъекти ходимларининг ўртacha йиллик сони Тадбиркорлик субъектлари ходимларининг ўртacha йиллик сонини аниқлаш тартиби тўғрисидаги низомнинг 4-бандига асосан қўйидагича аниқланади (6-жадвал).

6-жадвал

**Тадбиркорлик субъекти ходимларининг
ўртacha йиллик сонини аниқлаш**

	Ходимларининг ўртacha йиллик сони, киши
Меҳнат дафтарчалари мавжуд бўлган ходимларнинг ўртacha йиллик сони	53,8
Ташки ўриндошларнинг ўртacha йиллик сони	0,3
Фукаролик-хукукий тусда тузилган шартномалар асосида ишлайтган ходимларнинг ўртacha йиллик сони	0,2
Жами	(53,8+0,3+0,2) = 54,3

Шундай килиб, Тадбиркорлик субъектлари ходимларининг ўртacha йиллик сонини аниқлаш тартиби тўғрисидаги низомнинг 6-бандига асосан хисобот йилида тадбиркорлик субъекти ходимларининг ўртacha йиллик сони 55 кишини ташкил қилади.